

芝園集目錄

木集卷之二十三

祭文

祭徐相國文貞公文

祭晏江王司寇鳳洲公文

祭金縢耳封公文

祭茗溪董黃門龍山公文

祭徐太常仰齋公文

祭外父季憲使鴈山公文

祭李進士震瀛文



祭徐錦衣台室文

祭姚江邵少司寇梅墩公文

祭包鴻臚海亭公文

祭茗溪董祠部青芝文

祭樵李包學憲瑞溪公文

祭姑蘇史振吾別駕文

祭業師王觀如先生文

祭姑夫王太學繼沙文

祭表兄董孝廉環浦文

祭表弟宋太學見我文

祭真州同年劉太玄文

祭南昌張學士母太夫人文

祭山陰朱宗伯母太夫人文

祭上虞顏令君祖母太夫人文

祭琴川趙少宰配陳夫人文

祭當湖陸太宰配陶夫人文

祭唐年伯母張老夫人文

祭南昌鄧宗伯母太夫人文

祭方學憲配胡夫人文
祭表嫂董配胡孺人文

何氏芝園集

華亭何三畏士仰著

祭文

祭徐相國文貞公文

五百載名世興公繼期下天庭挾飛龍騎列星佩一
德筭六經恢禮樂清埃塵 帝曰俞汝作霖登揆席
握台衡訓五品奠三辰稽 祖制肅官箴闢賢路塞
倖門掃電帚燭沉淪挽天河洗膾腥建 儲議國本
貞草 遺詔王路新弦轍易冠裳尊勒夏鼎樹周禎

歌雍勺著旗旌羅賢豪桃李馨貽孫子玉樹芬賦歸
來葆天真枕青霞飡紫菌東山屐北海樽渭水熊羆
郊麟等先覺邁天民 帝寵之錫恩綸獻三爵醉千
春公拜賜念老臣臣何祝祝太平仰天王長聖明樂
丘壑憂朝廷揭白日照丹心不百裘奠兩楹赴大羅
返上清蓋珠宮芙蓉城跨鸞鶴踏烟雲某等倚蕙葭
攀蘭蓀廁宮墻荷陶鈞起涸轍吹枯鱗私鴻造拜駿
恩岡之崇河之深老成謝將焉憑念邦紀涕泗零采
澗毛薦江蓴設枵漿烹蕙蒸駕金車來玉京

祭婁江王司寇鳳洲公文

國運曷昌一賢翱翔國運曷否一賢喪亡國運維何
實在文章誰司其柄瑯琊公王文匪雕蟲一代制作
造化抉微皇王割席五典三墳九丘八索振鐸詩書
擅場庖易聖曰宗盟賢曰羽翼百氏間作六經幾湮
道未墜地文不喪天馬班曾陸陶謝許燕先秦而後
大曆以前方家專門有士翩翩并季代鳴若存若沒
不生偉人疇振其絕於鏘我 明豪雋如雲何李含
潤瑯琊揚芬乾坤許大寧詎乏人操觚林立豈無令

名所難獨創亦罕大成歛手讓公四部具存一詞一賦一縱一橫光披五色價倍連城公于此道咄哉中興經公品題便成佳士拾公聲歎便稱名理云何邇年野狐竄趾制舉旣淪詞賦亦已以彼榛荆棘我桃李為虎為鼠莫知所以自公之亡此道衰矣後生小子侗侗無知攬公之文誦公之詩慨然長嘆以為我師吾黨所宗文其在茲幸竊年家誼通一綫慕德滋深覲面則簡恨不及門私洲非淺漸無絲毫為公作傳公之身名山斗高張公之子孫蘭玉成行立言不

朽流澤未央若夫世家華閥司馬珠璫公何以重此何以揚曩公訃聞隨行而奠今來與公操辭以獻公生旣異死亦英英天上列仙地下脩文人間俚語勿笑勿嗔延陵之墓董相之坎炙雞絮酒髣髴來歎

祭金谿聶封公文

大江以西至人所居岳陽之樓仙鳥來棲匡廬之山瀑泉亂垂結為大年賢喆應期穆哉先生隱德可推磅礴長林黃冠素書不驚寵辱不挂是非支茆石徑垂竿漁磯黜聰屏明澹然忘機葆真守和以全天倪

何士抄英園集
卓矣偉人寔昌爾後龍翔鳳舉明時巨胄令子蜚聲
分符華亭民之冬日士之福星木本水源繫惟太翁
客散吏稀香冷琴橫豈齊卓魯寔匹黃龔明德煌煌
爰旌厥功胡不百年以綿永膺忽爾長辭令人酸奠
華蓋烟銷雲林月落秋陰滿空望斷玄鶴某夙遊門
牆猥呈薄技謬辱我師挽拂特至俯賜鈞鎔折節禮
遇知己感息宜報國士師翁我翁師涕我涕擬拜几
筵原隰迢迢白馬如練去矣蕭蕭靈其如在格之於
昭

祭茗溪董黃門龍山公文

具區之滙峴山之濱剖靈抉秘大寶攸存于明再高
異人乃出燁燁家聲爰稱萬石既飫典墳旋登甲第
清朝濯纓道山曳袂冲襟神授朗度天空清流玉瓚
大呂黃鍾手提白簡以排閭闔皎皎者人錚錚者鐵
帝眷南顧藉之補闕何期中道喬木委折峰摧嶽半
斗隕霄中甓社沉彩延津化龍散為精靈或縱或橫
惜哉東海失一俊英公之先也威鳳變豹公之後也
龍翔麟耀不朽有三詎能完止曰德功言公無媿矣

傳士拙老隱集
疇福有五詎邁其全息榮終始公獨備焉其等吳越
相隣一水衣帶通家有年德音是戴春念哲人既懷
且慨令子交契誼比朱陳惻焉聞訃雪涕沾巾爰託
青雀爰采白蘋臨風遡涕浮雲欲停

祭徐太常仰齋公文

九峰之精三泐之靈精靈盤礴產為哲人哲人天錫
為時世卿後先炳蔚朝野光榮於皇 肅廟午運中
興帝弼王佐寔藉文貞為商之楫為周之楨黃童白
叟詠歌太平克懋厥躬克簡 上心廼降厥祥廼世

履祿永薦忠良寵綏章服翁懼其益養之以樸翁懼
其爭守之以睦人稱朱門而若白屋人趨市門而若

空谷命董

軋清赫然丹臚命董

帝陵儼如清穆

輪巧離明神疾鬼速亦百其勞亦五其福以翁之度
揮金投璧汪洋無量以翁之辯傾海懸河高談抵掌
前有文貞時獲懋賞後有奉常共推色養壽考優游
人間無兩即儼諸天亦非非想胡不百年忽失精爽
高騎野馬歸於泱泱唯翁安人為某外姑密邇情義
乃屬崔莘十口我噓十指我扶如攀青松而附女蘿

松既萎矣蘿可柰何曩聞翁計留滯京都歸拜靈几
涕淚欲枯乃踰三月始奠一壺翁神不死髮髯可呼
乞以餘瀝并觴澤夫

祭外父李憲使鴈山公文

維九峰之嵒嵒兮三泐注震澤以滔滔抱鬱蔥之佳
氣兮散人文而產賢豪大人應運以挺生兮左執象
而右執爻經筭說林兮昉千古之非遥乃下帷而割
席兮爰日晷以繼膏鶴立鷄群兮鳳威九霄詎高山
之寡和兮嘆鐘期之罕遭終按轡而徐行兮乃見收

于 清朝會香画省兮出署河漕雞舌芬芳兮龍蛇
不驕憑熊軾而揚隼旟兮適臨汀之郊頡頏黃兮
兩岐獻謠臬憲豫章兮法星光射于斗標胡白璧而
點青蠅兮亦陽九之所招俄大道之行攜李兮將凌
風于羽毛歷建武以滇南兮遂旋車而慕漆園之逍
遙篝燈以課兒孫兮杜門以謝干旄殘書數篋兮清
釀數瓢腰黃金而心止水兮愈以見冰蘖之清操玉
樹森陰兮維夕與朝洵色養之兼至今且將躡青雲
而翔翺奚不百年兮耦脩齡于王喬忽駕鶴其何之

今心旌望而搖搖某以門墻今托絲蘿以素交豈襟
裾之麗裏今亦道義之久要嗟泰山之已頽兮涕泗
縱橫以痛號迫霧輻之歸寢兮宜執紼于平臯將計
偕於燕邸今南顧而悵素車之蕭蕭故挹漿兮以杼
敬奠酌兮以匏瞻神馭之悽愴兮空歌薤露而賦湘
纍之騷

祭李進士震瀛文

蒸民之生孰具蕪才惟公抱偉纖鉅畢談蒸民之生
孰當弄邊惟公逢時身名輻輳少工文章長談經濟

六執星羅九流碁置胷中甲兵掌中圖記繁如錢鏐
委如水利日攝心籌燭照數計庶幾穆之五官用事
膠庠脫穎貢舉明經兩都奏賦六館騰聲洎登巍科
桂籍崢嶸洎陟顯第杏苑縱橫三年息羽一鳴驚人
彤庭對策鴈塔蜚英僉期囊筆綴座華蓋僉期請纓
勒勛窮塞胡不遐算而短其齡胡不竒樹而殞其身
黯日沉星槁蘭萎芷不朽者名不死者子某也辛卯
之冬計偕北轅壬辰之春落魄南旋冰霜載途水陸
岐路始聞公病驟聞公訃倏而欵歔倏而涕洟匪徒

借地抄書
哭者吾哭吾私曩以白壁忽集青蝇不覩其影詎測其萌公曰無辜為子雪之援溺救燎矢天以之危若墜淵十指扶之斃若銷骨單詞釋之余唯坦夷不識荆棘自公耳提守雌守黑余唯踈直不防鷹鷂自公意授為鸞為鳶所以感公哭公之死寧特啣哀亦稱知己不知公者謂為太剛余獨知公癸口熱腸不知公者謂為太戇余獨知公高嘯謔浪有議公者云不避嫌公謂何嫌憂時慨慷有議公者云不避怨公謂何怨任事精幹嗟乎嗟乎人生兩間聚散百年曷仇

曷德曷媼曷妍齒以勁折舌以柔存羽以翠救膏以油然因公增嘅為公摛文隻雞絮酒淒風凍雲嗚呼一存一亡幽明隔矣一死一生交情見矣造化小兒真如游戲公而有靈含笑入地

祭徐錦衣台室文

嗚呼人立天地胡歿胡生生死幻夢誰殤誰彭華路藍縷泉釣山耕瓊居珍食楚舞秦音淡濃異享銷落同塵猗與公子條獻傷心育自華胄曾祖文貞為國師保顯懿濯霧褰功錫券世典禁兵大父奉常厥翁

薦登通為冢裔襲爵 彤庭烺烺炳炳闕闕崢嶸公
 子好豪燕市吳門繡裝寶馬冠珮晶英公子好俠三
 都五陵花撲玉缸揮霍黃金公子好劇連娟青琴香
 飄九和其從如雲公子好客珠履紛紜彈碁擊劍鼓
 瑟吹笙翩翩濁世公子幾人年未三十溘焉石城六
 朝紅粉紫繫遊魂昂身紫闥疇速之亨畢命黃壚疇
 促之屯露晞日影蘭敗秋聲江流雲散星殞珠沉簾
 虛夜靜月落風冷嗚呼公子舟壑忽分人生到此天
 道寧論丘壠纍纍松楸陰陰王侯厮隸卒歸幽冥矧

公子兮何悼之云所可悼者堂上萱椿朱顏鬢髮誰
 為溫清所可悼者閨淑孤零鈿合空守獨吊寒燈所
 可悼者嬰孩在抱呱呱弱齡所可悼者名與身逝池
 館未平嗚呼公子曷遂捐茵風流已矣靡不心怜某
 等幸叨翁誼戚友情深聞公子訃潛然淚盈謹勒哀
 草敬奠枵尊唯霽來鑒唯靈來歆

祭姚江邵少司寇梅墩公文

舜江水浚禹穴山霧發祥毓異鉅公挺生脫穎宏詞
 蜚聲上第看花禁林讀書中秘太乙星精玉皇仙吏

早結主知爰稱名世 帝曰執法爾其栢臺柱後豸
角肅肅風裁 帝曰省方爾其直指江南繡衣霏霏
霖雨 帝曰讞獄爾其廷評惟明惟允輕重質成
帝曰翰邦爾其開府于蕃于宣郊圻安堵 帝曰司
寇爾其貳卿察姦察宄輦轂清塵中外歷敷搢紳毗
倚資望彌高銓衡待叙為吏部門為尚書履領袖羽
儀晨夕翹跂公何勸遊而早乞身歸來故國飄然濯
纓掃門匿影出谷問耕一筇雙屐雲白山青膝下斑
衣樽前春酒學富五車才雄八斗秬苑剗腸詞林擢

首轉盼層霄扶搏非久胡不少俟閭忽遷徂吳天月
冷越絕星孤吾曹聞訃涕泗滂沱或號于室或慟于
途 帝念舊臣豈不懷德密勿頒恩絲綸動色黃土
素輶賁如金璧生榮死榮見者嘆息嗚呼升世尊官
誰復禮士惟公謙冲特優其遇升世昂貴誰復憐才
惟公陶鑄必培其莖某幽谷艾蕭恩門桃李是用戴
公而哭其歿公有令名丹青不毀酌酒于庭以誄夫
子萬歲千秋高山流水
祭包鴻臚海亭公文

山川結靈偉人乃生日月匿彩偉人乃傾昕云偉人
匪徒祿位祿位必尊道德斯贅猗與我公誕毓名宗
甲科赫奕閎閱崢嶸猗與我公沉酣文學經史博綜
才華錯落猗與我公起家監胄六館聲喧三都賦奏
猗與我公拜官鴻臚賜履白玉彈冠青蒲 天子侍
御史冢嗣文宗伯兄太宰妹弟爰去爾驕爰黜爾
華不挾其貴不有其家 北闕投簪東山躡屐秦雀
花枕流漱石由心經濟矢志身名大雅模楷後生
范型子且龍翔文章命世昂首丹霄唾手青桂孫方

嶽降樞樛岐嶷鳳雛麟趾英物寧馨載秋載春見子
鼎貴曰髦曰耄見孫壯歲胡不少頃而忽弃捐豈侶
羣仙以遊九天公誠達人死生一視老彭若殤千古
如寄生者何心獨忍公逝骨肉悲號親朋怖悸某于
母族稱公尊行居恒提耳時復命觴不以長者鄙夷
小子悠悠世途咄咄知已感公之德痛公之亡哭公
于寢拜公于堂有酒不清肴不腆聊掇蕪詞用當
菲奠搏膺而踊響像生平神來神往髣髴鑒臨

祭茗溪董祠部青芝文

公之冲年生而穎異公之弱冠俄而甲第粵公大父
宗伯學士粵公尊人黃門諫議粵公母弟魏科試吏
人難百福而公有之福難累葉而公完矣八載之前
尊人遘危金甌少缺玉柱少摧今歲之春大父終幃
梁木其壞太山其頽倏焉而夏母弟捐背晨星早沉
薜華早墜倏焉而秋我公奄逝寶劔又埋明珠又瘞
天可知耶天不可知耶謂天不可知耶胡為乎公之
一門貴其父而顯其子壽其祖而榮其孫謂天可知
耶胡為乎公之一身豐其才而畱其用厚其德而薄

其齒洎建言而歸里值家難之雲興肆厥愠之不殄
亦厥問之不傾嗚呼理有盛而必衰數有隆而必替
器無滿而不覆物無盈而不忌日中則昃月朗則翳
疾風易歇驟雨易霽斯固榮枯消息之常而達人大
觀者之概視公有漆園之逍遙竹林之曠逸而豈不
能付禍福為偶然等死生于一致公故幸矣而有天
不幸者存則吁嗟乎仁者之未必壽公雖亡矣而有
未嘗亡者存則取徵于仁者之必有後天何酷烈降
茲愆凶天豈茫昧失此英雄公囊綵筆五色縱橫公

何止如茲國集
函諫草千古崢嶸某與公結納寸腸綢繆三世壘壘
通家殷殷知己恨以俗務纏綿百端不能縮地夾公
寢堂恨以病魔束縛雙趾不能奮飛哭公門祀今之
涉寒而來也九山無芷而采茗丘之毛以為漣三涘
無漿而挹雪川之水以為觴蓋庶幾鑒我友人之誠
款而洋洋乎陟降于其鄉

祭攜李包學憲瑞溪公文

攜李望族包氏首稱科名奕奕孝友繩繩醫學憲公
益振家聲少而奏稅言為世程壯而試吏用為國禎

令于魏博聽斷推神官于法曹平反質成晉于祠部
禮樂稱明貴陽督學詞壇秉衡邵武殲亂潢池釋兵
朝有荐牘吏有公評忤旨政府奮袂投簪高卧林壑
丹山紫雲西湖之滸鴛水之瀆洞庭春雨天台夕曛
漁樵為伴鷗鳥與群年逾耳順醜顏鶴髮不杖不几
嘲風品月逍遙若仙百歲可閱云何獻春一疾而蹶
旬日之間夫人繼歿唁者登車弔者接轍里巷悲號
親朋慘裂知與不知流涕如雪痛公往年子先父訣
痛公今歲夫先妻絕明珠光沉和璧彩滅霜羽晨銷

冰蹄夜拆嗚呼公所賑貧待以舉火公所善友托以
見裏公所嗚冤不避豺虎公所赴急不辭寒暑公所
推賢百口揚詡公所扶良百手陶鑄人或德公公終
無喜人或啣公公亦無忤世之鳳麟邦之粉黼自公
捐館斯誼微矣餘慶流風施于孫子積善名家通德
名里萬石恂恂五桂斐斐孝廉蜚英文學抱偉嗟哉
大夫賢哉後嗣公即冥遊足云不死某與仲君同舉
于鄉重以母黨不敢頡頏某之視公母黨尊行某往
檣李公來谷陽侍公言咲習公肺腸溢爾長息能不

彷徨無所控訴上詰彼蒼司命何酷殄我善良龍蛇
何虐祟在此方百身莫贖九京可傷我莫不腆我歌
慨慷一酌而哭有酒盈觴

祭姑蘇史振吾別駕文

余自己卯以論文之契識公之子于成均而遂以通
家之誼覲公之面于吳門蓋望而卜其為長者亦見
而知其為吉人心如渾金之朴度如良王之溫言如
陽春之煦貌如威鳳之文處家能孝而能友與物無
競而無爭客至下龍門之榻賓來傾北海之樽日暇

修本抄趙園集
理山陰之楫風清調中散之聲庶幾乎陶徵君之品格而蕭夫子之等倫方公之謁選也執金吾之戟其量擢也司藩臬之屏逮三遷而為別駕參五馬以佐專城歷數載而居宦矢寸心以報 君啣蘖之苦飲水之清懸魚在肆拔薤在庭雖一絹一錢而不受惟一琴一鶴以隨行故監司之薦公者靡不華袞于童奏而搢紳之重公者無不膾炙于官評昨某以計偕遊燕市而公以肆覲寓 神京時適有子春下堂之疴而欲旋車以言邁豈虞有子輿易箠之慘而故攬

轡以于征方期公以色起何倏爾而訃聞嗚呼世有科名而秉廉操者矣而公則贊生世有殷富而博廉名者矣而公則食貧世即有廉者或此然而彼不然始然而終不然者矣而公則隨時隨地而皆甘矯矯以沒身夫既不以脂膏之汗濺其行誼而甚且反以稱貸之累遺其子孫此則賢者之太過所謂苦節而不可貞雖然以今叔季之世而得此詎非中流之砥柱而空谷之足音異日有太史公採廉吏而立傳者第錄其人而不拘其秩爵恐當以吳隱之鄧伯道之

何士批其國集
輩與公鴈行而並稱惟其締驩于令子何啻把臂以
入林臭味似椒蘭之合綢繆同兄弟之親公在則升
堂而拜伏公亡則撫棺而涕零迺絮酒炙鷄之故事
而亦一時千載之交情冬杪將駕雨雪層冰春仲載
脂兒曹歎疹恨有地而難縮惜無翼而誰憑慚生芻
之在把媿吾來之逡巡嗚呼人諱明潔物忌芳芬如
公清白逢茲不辰有餘未盡桂樹荃蓀瞻廬望墓画
櫛飛雲嘆古今其長絕痛簪履而悲鳴傷哉素旌之
首路潛馬紅淚之沾巾

祭業師王觀如先生文

古有高士亦稱隱君黃庭丹竈青山白雲於惟先生
學官俊髦明經待徵孝廉應詔先生棄去逃禪進玄
說世外法了塵中緣六籍黹湘百家橐籥如武庫兵
先生之學紛華無染寵辱何驚如青天日先生之心
談述古今陳說可否如懸河流先生之口煙霞結伴
泉石訂盟如冲天鶴先生之襟或入鄉村或來城郭
或輯禁方或采靈藥倏而箨冠倏而羽衣有時灌花
有時著書性弗喜酒茹蔬食淡豈以邇年亦不喜鉅

老而健步奔走若馳豈以適年亦復超超常苦疾首
又苦病胃投鍼飲枳顏色不悴詎云兩症遽至殞身
抑有別疴未聞其形嘗從術士導引服氣自謂長生
胡不久視問之仙人曾言百齡其人已故其言不靈
某事先生猶子事父匪徒文詞更切恩誼為模為範
實惟吾師言動酬酢靡不步趨率鳥計聞涕零悲慟
為斯文哭為吾道痛所幸身前瀟灑出寰識去住理
欲生先圓所幸身後嗣君佳士子讀父書孫繩祖志
尚吾師德無死無生尚吾師喜有子有孫醴酒一壺
生芻一束吾師有靈來歆惟速

祭姑夫王太學繼沙文

嗚呼我翁名家之裔江左燕飛河陽花麗水玉丰姿
煙霞性氣主禮樂盟擅詩書譽嗚呼我翁六館之儒
南山隱豹東海遺珠其目若昏其人如愚知彼知己
守黑守雌嗚呼我翁鄉閭之式坦衷熱腸古貌正色
諾重千金義輕萬鎰休徵讓孝彥方讓德嗚呼我翁
家政之程履規蹈矩步準趨繩刑閨以肅馭眾以明
不苟嘖笑無媿影衮嗚呼我翁達者之致塵芥榮名

修士抄卷四集
十七
蜉蝣濁世逍遙為居安樂為窩仰天嗚嗚伏臘瞿瞿
嗚呼我翁幽人之貞眉藏丹壑胸吞白雲晤言一室
返聽五聲歌遲暮景菊制頽齡惟翁令聞享年宜百
何逾七旬而逝一夕他人曰壽我翁曰天永夜星沉
浮生夢杳所可痛者晝期未盈所可賀者令子垂紳
所可恨者孫未抱膝所可慰者壽母在室所可吊者
魄歸九原所可幸者倏焉而仙所可嘆者生離死異
所可釋者原無去住訃聞之日哀風蕭蕭外內戚屬
誰不悲號兄母我姑姑姪兄弟兄翁我翁兄涕我涕

浦雲東去浦水東流生芻已束隻鷄未投有酒可酌
無航可渡匪不情深是用來暮我今致奠跽而陳詞
庶幾降鑒髣髴格思

祭表兄董孝廉環浦文

嗚呼痛哉吾兄而死矣吾兄之死而死于道路矣嗚
呼痛哉方余之北也先兄脂車一日造別而兄以從
父太史公分闢之役意不欲行余固強之而諾比時
容貌聲咳無一似死徵者且意兄之踵而入都也而
乃竟死耶余之在途也途之人有言兄之渡江而疾

備北地志卷之八
革者有言兄之僮僕以某日扶襯駕舟而歸者余皆
咤之謂兄以始不欲行之故或中道返也而謗者仇
者之口遂以不祥語被之耳而乃竟歿耶余始聞而
駭既聞而疑疑乃夢矣夢兄之家張孝幕于廳事中
有唏噓者有涕泗者余時趨進而拜拜而哭哭而伏
地嗚咽不能起也覺而語諸從人從人以夢死得生
之說為之分解而乃竟死耶死也而必道路耶夫死
者人之大數倘然而不可期亦必然而不可匿者也
死而可期可匿則彭不彭殤不殤矣謂彭為壽平殤

為天乎而揔之壽亦夭夭亦壽彭亦殤殤亦彭也且
人之生也處于室其終也歛于堂而其葬也藏于中
野則兄何必不死而死何必不道路之為安頃兄之
死所不能釋然者有未可死三而所能釋然者有可
以死七兄廣額豐頤又甚盛德宜享考壽而不耄耄
願期未可死一兄荐賢書而未登仕籍弗竟厥施未
可死二兄有淋弟一人有夫夫子四人負高世才而
皆未得雋未可死三然兄即不考壽而行年五十有
八夫五十不稱夭矣一可以死聞兄之易箒也啟手

啓足正襟端坐與客對奕咲談畧無恐怖悲哀之態
此為令終正果矣二可以死兄雖未仕而自鄉荐之
後愈益潛心大業所手輯諸子百家及唐詩諸編亦
足托以不朽矣三可以死兄性孝友于先封公先太
夫人則矢力隆養送之禮而于先長公則探丸報肘
掖之讐士大夫以此賢之今縱不幸死獨不早見先
人于地下乎四可以死兄子女多而尚平之願皆畢
即有最幼者而嫂氏賢且能足經紀之五可以死兄
之居室似公子荆故有饒于貲之名而無饒于貲之

實天貲不甚饒雖中材子亦可以守而况諸子又皆
善繼述克儉勤者且其弟有脊令之誼何難左右助
勸而太史公方鼎貴在 朝獨不能覆之翼之乎六
可以死以兄之才子弟非久相繼雀起龍翔復振家
聲以竟兄未竟之志此不足起九原而慰之乎七可
以死夫人之可以死與未可死者其數不敵也則死
而死不死而亦死耳而兄之可以死者倍于未可死
者則死之日猶生之年也余之于兄也親則手足而
契則肺腑余自惟聞兄之訃也手足若有失而肺腑

若其有傷故雖逗遛都門每恨不能奮飛拜且哭于靈
几下而今且歸矣亦既拜而哭矣所可愧心者無嘉
肴享兄無旨酒酌兄無豐詞致兄爾夫余之趨進而
拜拜而哭哭而伏地也此恍然如夢中事者夢其真
耶其非真耶然則兄其死耶其不死耶嗚呼痛哉

祭表弟宋太學見我文

嗟哉宋弟我姑之子嗟哉先姑我祖之女姑與我父
同胞異處我與我弟異姓同膺我祖既歿父則撫姑
我姑于婦父則理孀姑婦七載忽罹喪夫弟生四齡

遺作遺孤姑哀孤子仰天烏烏弟依寡母飲血呱呱
形影相吊五內若剝時育父舍顧復拮据以舅字甥
如烏字雛年甫十二我姑告殂所幸有祖又幸有伯
伯父伯母愛連肝鬲已子猶子視之如一匪鞠匪生
乃覆乃翼至于成人突而巾幘娶于河間居然家室
入貲成均六館隸籍僑寓長干三山布席伯父謝世
旋返回廬經營所有調劑所無肩鉅擘細茹辛食荼
糜殷世業庶幾祖初胡天不仁厄以二豎投鍼弗瘳
飲藥弟愈密歲之春厄羸良苦弟亦恬然婦之大數

手籌後事目攝親朋父黨姻黨授產貽繒厚施如此
宜享遐齡杪冬好遊遠涉八閩獻春疾革近止三旬
何華之繁而實不結何德之盛而命不勝某等昆季
四人毋家一縷言念渭陽豈不有怙弟不數來我不
數去脉通知綫交澹如水姑既云亡弟復不起痛切
痛瘵哀銜肺腑有淚可傾無缶可拊悽愴搗詞如怨
如訴嗚呼金閨馥郁玉樹踟躕魂兮魄兮飄飄欲仙
去位無着死生不纏得道而遊歸于洞天

蘇真州同年劉太玄文

嗚呼傷哉我同年劉君太玄之死也人之生死其卒
然隄然而不可測也一至是耶方壬午之歲君之舉
于南不佞之舉于北而稱同年兄弟也蓋遙聞聲而
未覲面者也舉之後十五年而以計偕役長安時為
同年之會也蓋于稠人廣坐間覲面承杯酒而非與
咲語為懽者也及不佞以丙申南遊渡江而抵真州
也始修刺謁君登君之堂矣時蓋仲夏之初九日也
而君且召不佞飲亦既承杯酒而相與笑語為懽矣
時蓋十二日也越二日為十四日而君之訃音忽聞

何士松文園集
矣始不佞聞之左右而駭弗之信也又聞之道路之
人亦駭而弗之信也及使偵之而知君之果訃也信
矣而益增之駭也嗚呼傷哉君之死也人之生死其
卒然隄然而不可測也一至是耶不佞之南榜兄弟
合他省之同舉者屈指凡一百六十二人而先後第
進士者五十八人其未第而授官者二十餘人其不
幸死者亦不下二十人蓋兄弟一百六十二人之中
即不出十五年之外而已不勝浮沉存歿之感矣而
矧乎君之年三十有五視之諸兄弟最少也少而不

幸且死也死而在五六日之間不佞又躬親耳而目
也此所謂卒然隄然以死者也嗚呼傷哉嗚呼傷
哉于是不佞徃而弔而奠弔而哭奠而亦哭哭而系
之以歌歌曰嗟君之年少兮而當終軍賈傳之妙齡
嗟君之才高兮而追仲宣子建之英聲嗟君之遇窮
兮胡屈之久而難伸嗟君之命促兮胡奪之速而易
傾嗟君之壽母兮而忍見萱草之凋零嗟君之令妻
兮而忍見繡閣之伶仃嗟君之幼子兮而忍見玉樹
之孤筮余與君之兩地兮歷十五年而伯仲之好合

并余與君之盍簪兮纔五六日而幽明之途遂分雖
天地間必然之事數兮亦非常極異之覩聞雖人世
間偶然之踪跡兮亦千秋萬古之交情問之皇天而
莫曉兮叩之五內而震驚余是以臨風哀楚兮不覺
涕泗之雨集而雲橫

祭南昌張學士母太夫人文

照乘之珠出必深淵連城之璧產必藍田在物猶爾
矧于名賢於錄太君吾師之母德耀其方伯鸞其偶
女則母儀琬琰稱首畫荻丸熊克昌爾後昌後伊何

雲霄鳳峙靈翮九苞長風萬里心討聖緒口吐 帝
綸千秋者業六經者文 國是紛紛風裁則獨若車
指南若星拱北中外倚毗遄焉西歸手持寸草以報
春暉金母有桃安期有棗捧觴上堂三祝壽考胡天
不吊婺星夜徂騎彼青鳥去何之乎所可惜者吾師
出處正人君子忽以憂去曷益曷梅誰霖誰雨高卧
東山何時而起某忝門墻若游鄒魯家人國士爰得
其所良愧古人登堂拜母陟聞訃音一慟三拊乃酌
椒酒乃滴桂漿望風遙奠涕淚沾裳

何士柏詩集
祭山陰朱宗伯母太夫人文

大江之東靈氣濛濛誕生鉅公禹穴為空鉅公謂誰
宗伯有文不知其子請視夫人禮稱敬姜傳述共姬
允著婦貞未聞母儀昔有孟母千古榮施夫人德音
後先一揆敬以廣孝節以立慈居不必遷嚴扃下帷
機不必斷續膏繼曦匪經不訓匪正不窺先生承訓
樹立自竒謂我肢體父母之遺惟忠惟孝靡夷所思
金馬秘書玉皇香案望重斗山譽隆月旦手鍊五石
以補天缺明作秩宗禮樂無乏邇斯淵源聖善所垂

聿領亨運乃佩金魚 錫命寵褒賁于閭里上壽捧
觴既燕且喜胡不百年瑤池是侶某媿鯁生牧之門
墻十指為援百口為揚感恩酬知抑鬱難控聞母陔
遐中心哀慟非哭吾私為天下痛貫以束芻藉用白
茅臨風結涕頓足而號奠酒一觴酸風蕭蕭來格來
止靈車豈遙

祭上虞顏令君祖母太夫人文

猗與夫人閨闈芳躅禹穴靈鍾清江秀毓出自慶門
于歸望族爰相君子鬻宮推轂宜室刑家幽閒貞淑
可止仰

為刺史婦道惟穆為封公母母儀惟肅白苧課勤
 綠蘋薦熟東方鳴鷄北風孤鶩種德自芳以綏後祿
 天諱其祥麟孫郁郁展采于越登名 帝錄績邁
 黃文超賈陸仁沾海邦孝治下國一方神宰九州良
 牧揆厥所由祖訓式穀我曹編氓令君之屬仰芘臨
 邛會徼寵沐母也訃聞趨而就哭豈不壽考百齡猶
 侯豈不顯榮百福是卜豈不悲傷沉珠埋玉豈不道
 遙乘鸞駕鶴椎心遡息呼天頓足啣哀陳詞震山響
 谷斗醴澗毛遙將奠祝靈其有知居歆斯速

祭琴川趙少宰配陳夫人文

中閨惟良內助乃振不生賢媛孰相哲人哲人云何
 曰趙少宰望壓斗山名高鼎彝夫人于歸靜好瑟琴
 出自望族有纓有簪川流惠問蘭郁神襟爰采蘋蘩
 爰親織衽彤管是式雞鳴是箴共孝莊肅周姜太任
 少宰蜚英為名太史文苑龍翔詞壇虎視夫人相之
 螢窓雪几昂昂雲霄聲華四起少宰抗疏為名諫臣
 雷震獨當日月幾湮夫人相之甘苦茹辛煌煌明德
 照耀千春克勤有家嗇于簪珥克裕後昆施于孫子

宜登期頤以迓福祉不謂一朝而忽逝矣皇天何酷
婺星夜徂秋風何烈蕙草夕枯寶瑟沉湘明珠絕浦
衣帳空懸閩閩誰主將遊蓬島抑陟崑崙訪西王母
見魏夫人家衆既哀鄉邦亦戚哀殞賢淑戚喪良匹
某來茲土驚聞訃音通家誼切涕泗難禁敢采澗毛
以荐釜鬻陳詞不腆庶幾居歆

祭當湖陸太宰配陶夫人文

當湖陸母陶太夫人今太宰公之元配而吾母舅包
吉甫氏之舅母也某生也晚且賤何繇得通太宰公

某公過雲間某以公事謁公于舅氏舍公進而與之
言洎公宦留都某携舅氏書謁公公進而與之言且
賜之密坐而仲君之來于茲也又得回舅氏交一臂
之懽是某之幸通于公家者以舅氏親故而耳熟太
夫人之淑行賢聲則亦以舅氏之口在也歲甲午四
月太夫人訃至某適與舅氏俱舅氏泣某亦佐之泣
舅氏拊膺頓足而言曰夫以吾舅母太夫人之賢也
而亦死乎某應之曰不然古之稱賢媛者則無如太
妊太姒矣以太妊太姒之賢焉而死奚疑太夫人哉

何士振芝園集
舅氏啣之謂曰旦暮予且往哭而盍弔諸會以抱疴不能從也尋愈將戒行追隨舅氏而會舅氏侍尊人病嘗湯藥病即不諱且斬然在衆經之位矣某必舅氏之追隨而不一赴素幃弔太夫人之靈也即弔太夫人而無單詞隻語操而哭之也其如通家世誼何于是乃為文再拜而陳言曰太夫人賢而亦死矣若太夫人可以死矣史稱太妊太妣賢而不稱太妊太妣壽太夫人賢而壽壽而逾古稀也太夫人可以死者一太宰治外太夫人治內太宰自為吏部郎以至

吏部相 天子抑揚縉紳擅鑑空衡平之譽以有
公卿之名而太夫人居家能訓子孫繩臧獲調劑
家務鉅細以左右之是太宰不朽而太夫人亦不朽
也太夫人可以死者二人所藉以不死獨後人耳太
夫人有丈夫子三人長君業已紆青拖紫且卓犖抗
疏有聲冠冕間而兩仲君又皆翩翩鳳毛行將踵太
宰之芳躅而起也太夫人可以死者三夫死者人之
大歸古今賢士女所不免而它人者不可以死而死
太夫人者可以死而死則太夫人之飾巾待終也其

與西池王母南嶽魏夫人遊乎而子姓之感肺腑之親又何必歎歔涕泗為矣吾舅包吉甫氏自苦次聞之且悲且慟曰太夫人吾舅母也吾有喪未及為文以祭而子搗文祭之其為吾哭之于是某往而祭祭而哭哭而執紼為廬露之歌蓋庶幾太夫人以吾舅氏一縷之屬而勿勿居歆也哉

祭唐年伯母張老夫人文

英喆之生撰厥原始曾母曾參孟母孟子谷水名門
或稱唐氏種德元宗明經奕世粵孝廉君有母張妙

張本龍華冠纓曠齋曰嬪於唐賢聲懋著為大令婦
敬事舅姑為大封配順事君夫茹辛甘苦實惟拮据
不施簪珥不御綺羅閑閑女則肅肅母儀產麟之趾
生鳳之雛畫荻遜教丸熊遜劬長公鼎鼐次公璫璆
知母視子斯言匪虛大封旅櫬夫人早孤亦閱是歲
孝廉薦書賀者在室平者在閭腸以夫裂顏以子舒
就養兩卽十四寒暑朝禮彌陀暮參大士奚翅老年
夙緣如此夫人好佛三十餘禩禪燈既燃慧性亦啟
簾幕之外庭除之裏庶幾前知咄咄神理有時誦經

有時說偈坐悟無生詎難久視云何抱痾奄然逝矣
豈厭塵網而拋革囊豈遊仙侶而登異牀西池之側
南嶽之傍素魂逍遙真魄翱翔乃還淨土乃入金堂
生平佛力今得歸藏某于長公同籍而舉兼以通年
同卷而處兄弟通家腹心知己于誼于情升堂拜母
母病彷徨母亡悽楚悲緒若搖涕零如雨故撰哀詞
爰誄爰歌半百非少千齡非多無夭無壽含笑而徂
吾哭吾私吾惜吾徒孝廉未第生榮謂何以需他日
詰贈鑾坡煌煌 卹典墓草弗枯壘壘孝思廟勒弗

廢我今陳奠一脯一壺媿茲不腆敢輓靈輻

祭南昌鄧宗伯母太夫人文

噫太夫人華宗著姓太公委禽言歸于鄧既幽既閒
爰貞爰靜伯鸞之案太真之鏡琴瑟和鳴惟神所聽
鳳麟乃胎珠玉是孕長君降生詞苑崢嶸桂林穎脫
花縣香清駐鳧粉署書嚴 御屏繼生夫子天誕文
星奎躔擢首鼎甲蜚英中秘視草 清朝濯纓為時
碩望為世名卿夫子東山為母而處母寒亦寒母暑
亦暑屢 詔安車累辭陟岵膝下歡顏堦前戲舞彼

何士抄芝園集
捧檄者匪夷所思曰奉吾慈以需耄期母子聚首兄弟獻卮繞庭挺秀况有孫枝共歌福祉長薦壽眉昊天不仁奪母胡速子曰嗟哉我鞠我畜撫膺而號顛天而哭痛深一家哀纏一國家悲霄庇國傷喪淑惟某越在千里聞訃孔遥吾師在疚我魂欲銷趨而執紼江水漂漂跋而望路白雲迢迢生芻一束絮酒一派鬢鬢霧幃心旌內搖有淚湧泉以代師泣廬峰萬以墓門千尺楊冢寂寥鄭鄉簫瑟臨風遣詞悽焉酸

祭方學憲配胡夫人文

猶與夫人名宗奕世大衆之甥中丞之裔望歲能言
迎時夙慧淑質相瓊芳聲振蕙德音來括曰嬪于方
如凰應鳳棲于後房一唱一和比翼而翔豈不孝養
敬事姑嫜豈不儉德薄澣衣裳調琴在御解佩在堂
相厥夫子文譽驕驥出而為牧入而為郎画眉舉案
以助以勤備兵盧龍次于碣石憲使高車夫人重席
好合柔隨無惡無斁母慈其子姑慈其媳撫之加勤
逾于所出祥發庭除福生肘腋不謂高明鬼瞰其室

何士抄卷四集
忽焉卧疴俄而易箒風冷帷淒霜侵魄滅竦緋俟晨
明燎守夕高堂雨泄巫山雲鬱黃堂無光溟海澹色
憲使嗟慟淚湧如川嗟慟謂何影隻形單物哀喪匹
人不其然宦邸孤燈情奚以堪廿年長聚一旦背捐
百念橫集千憂俱煎慘矣皇穹謬哉司祿如日方中
而筭何促如春方茂而命不續有子若婦扶櫬南還
迢迢舟旆旋返故鄉婦哭于寢子哭于廂號無廢音
涕不輟傷孝以慈感能不摧腸我儕諸人憲使戚友
聞者沾巾見者疾首為憲使悲悲失良耦為夫人惜

惜非眉壽祖奠當庭一歌一扣魂兮來遊居然俎豆
祭表嫂董配胡孺人文

於維嫂氏裔出名門于歸於董提壺繫轅乃工組織
乃主蘋蘩爰相夫君以事所尊芳徽郁郁令德温温
舅姑曰孝宗廟曰順妯娌曰睦室家曰敬外內親踈
維肅維正婦道既彰母儀聿振時聞舉案亦聞斷機
訓子成立俊髦名儒伯也為龍仲也為夔叔則子產
季則子皮詞壇赤幟執苑白眉將搏六翮奮於天衢
云何遘艱夫君奄逝徃歲之冬旅櫬倏至連理枯條

雙飛失翅嫂氏黯然魂搖魄悸伏木一叫淚若奔泉
哭天天裂哭地地穿寸腸百割痛若戈鋌夫君已矣
我何獨全恨不偕亡願以身代當斯之時形骸已瘵
竟成沉痾有藥弗瘥徙之九原還于大塊與夫同穴
嫂氏所快賢哉嫂乎神歸骨解忘哉天乎珠埋玉碎
宗黨親朋聞之嘆嘅矧余中表肺腑情深悼兄長往
灑淚盈襟悼嫂繼歿潛然再零野蔬可薦村酒可斟
且奠且拜陳詞于庭庶幾靈幕鑒我微忱

河氏芝園集祭文完